



WETTSTAI
-CLIQUE
ALTI GARDE

PROTOKOLL

vo dr 28. ordentliche Generalversammlung vo dr **Wettstai-Clique, Alti Garde**, vom 16. Juni 2016, im Hunor-Labor Pello, Fatiostroos 22, Basel

Die hüttigi Generalversammlung isch yybettet gsii in en Yyলাadig vom Obmaa Peter Meyer im Hibligg uff sy 70igschte Geburtsdaag won är am 31. Juli fyre wird. Und bis dert aane goots no 44 Dääg und das het dr Peter zue däre Yyলাadig veranlasst, isch är doch e Spezialischt uff Schnapszaale zfyre.

So foot unseri GV mit em en Apéro und ere kurze Vorstellig vom Clown Pello aa, bevor dr Peter Meyer denn offiziell die 28. GV eröffnet und die aawäsende Aggtiv-, Ehre- und Passivmitglieder, sowie dr Stammobmaa Pius Keller und dr Rumpelobmaa Martin Cron begriesst.

Aawäsend sind 20 stimmerächtigi Aggtivi und Ehremitglieder. Ebefalls hänn 5 Passivi ihr Inträsse an unserem Cliquescheh durch ihri Aawäsehait demonstriert.

Mit däre Präsänz isch d Versammlung beschlussfähig und s aifache Mehr isch 11.

Entschuldigt hänn sich vo de Aggtive: Rolf Biedert, Marlise Bonani, Franco Ceccere, Alain Edelmann, Dätt Marti, Elsbeth Mislin-Hauser, Ursi und Mario Plachesi, Christine Rüegg, Jörg Schild, Niggi Schoellkopf, Christian Trächlin, sowie Herbert Meier, e Vorträbler wo vom Stamm überträtte will. Und vo unsere Passive hänn sich 10 Mitglieder entschuldigt.

Dr Ablauf vo dr GV isch widerum unterstützt von ere Power-Point-Präsentation (PPP) wo dr Ruedi Hintermaa mit grossem Uffwand und mit vyyll toll illustrierte Folie zämmegschteilt het.

Als Schtimmezeller sind dr Hans Trachsel und dr Christoph Oertli gweelt worde und als Daagespresidänt dr Peter Kolp.

1. Protokoll

S Protokoll vo der 27. Generalversammlung vom 25. Juni 2015 wird aistimmig gnäämig und verdanggt.

S Protokoll vo dr aggtuelle GV wird au wider allne Aggtive und Ehremitglieder zuegeschiggt.

Passivmitglieder könne s GV-Protokoll bim Schryber verlange.

2. Jooresbricht vom Obmaa

Vor em Jooresbricht hänn mir uns an unseri verstorbene Passivmitglieder erinnerert. Das sinn Walter Baumann, Joggi Henn, Stefan Keller und Dr. Erich Wettstein.

Dr Peter kommentiert alli unseri diverse Aggtivideete an Hand vo tolle Fotiprojektione und undermoolt mit Muusig. U.a. sinn das d Summerstäm, dr Schlyfferdaag, s Wuchenänd in Lutry, s Schaffe vo dr Suko und im Larvenatelier, dr Wettstai-Oobe, d Fasnacht zämme mit de Rumpler und de Birli mit em Sujet „en Altroosa Zmorge“ und dr gmainsami Fasnachtsbummel mit unsere Fasnachtspartner no Colmar, em Vorstandsässe usw. Dr Vizeobmaa Kurt Keller verdanggt em Peter si grosse Arbet als Obmaa. Dä Jooresbricht wird mit emene hänzlige Applaus aagnoo.

3. Seggelmaischerbricht

Dr Kassier Heinz Geiger präsentiert d Rächning 2015/2016 wo mit eme Minus vo Fr. 1274.65 abschliesst. Dä Verluscht isch aber mit 1'425 Frangge doch über 50% kleiner als dr budgetierte Verlust vo Fr. 2'700.

Unser Vermöge isch mit (uffgrundet) 27'637 Frangge immer no beachtlig.

D Subvention isch mit Fr. 2'734 fascht 10% über Budget uusgfalle.

Fir s guete Blagettegschäft mit em Nettoertrag vo Fr 1'699 (Budget Fr. 1'500) hett wider dr Kurt Keller dr wäsentlig Bydrag glaischtet. Dr Heinz danggt em Lucie fir die sorgfältigi Abwigglig vom Blagettegschäft.

Zem Schluss danggt dr Kassier all däne Mitglieder wo widerum freywillig heecheri Bydrääg zaalt oder sunscht Gäld oder Naturalie gspändet hänn.

4. Revisorebricht

S Ursi Plachesi und dr Jürg Schmid hänn d Kasse revidiert. Dr Jürg liist dr Bricht vor und beaadrait dr GV d Clique-Rächning guetzhaiss. Aistimmig und au mit Applaus duet d GV dr Kasse- und dr Revisorebricht aanää und em Kassier Decharge erdaile.

5. Materialverwalterbericht

Im Zentrum stoot die bevorstehendi Züglete vo unserem Archiv im Sandgruebeschuelhuus. Dr neu Ort isch nonig bekannt. Doch sott die Ruumete in dr Wuche vom 11.-16. Juli gmacht wärde. Und für das bittet dr Peter um 3-4 Hälfer.

6. Mutazione

6.1 Neuuffnaame

Als neyi Vorträbler hänn mir s Anna Annicelli und dr Andy Berger derfe in d Clique uffnääd nodäm sy mit uns sehr aggtiv Fasnacht gmacht hänn. Nonig uffnääd könne hänn mir s Corinne Flury, well si nit Fasnacht gmacht het, au wens wägen ere Erkranggig gsii isch.

Dr uff dr Folie präsentiert Mutazionsbericht vom Schryber zeigt, dass unsere Gesamtbestand trotz diverse Mutazione mit 91 Mitglieder unverändert isch, mir aber bi de Aggtive e Zuewaggs hänn.

Im Detail sehn die Veränderige wie folgt us:

	<u>Mai 2016</u>	<u>Mai 2015</u>
Vorträbler	10	7
Pfyffer	15	15
Dambuurmajor	0	1
Dambuure	4	4
Total Aggtivi	29	27
Passivi	62	64
Total Alti Garde	91	91

Dr Mutationsbericht wird aistimmig aagnoo.

7. Aadrääg

Vo Syte vo de Aggtive sinn kaini Aadrääg yygange.

Aggtualisierte Richtlinien:

Dr Vorstand präsentiert die überarbeitete Richtlinie vom 27.5.2004

Z erwääne sinn die folgende Aapassige:

Name und Zweck: „Zweck dieser Sektion ist die jährliche Teilnahme an der Basler Fasnacht, alleine oder im Verbund mit Partner-Cliquen.“

Mitgliedschaft: „Ueber Ausnahmen wie Rückkehrern und Aufnahme externer Fasnächtler/-innen entscheidet die Generalversammlung auf Antrag des Vorstandes.“

Vorstand: die Funktion „Aggtivbeisitzer und Passivbeisitzer wird zusammengelegt“; da der Suko-Obmann nicht zwingend aus unseren Reihen kommen muss, wird diese Funktion in „Suko-Vertreter“ umbenannt“

Der Vorstand reduziert sich so auf 6 stimmberechtigte Mitglieder (bisher 7).

Die Richtlinie wärde aistimmig gnäämigt. De Mitglieder wird si zämme mit de Stamm-Statute in dr näggschte Boscht zuegstellt

8. Budget und Jooresbydrag

S Budget firs Cliquejoor 2016/2017 schliesst bim em en Uffwand vo Fr 28'650 und em en Ertrag vo Fr. 26'930 mit em e Verluscht vo Fr. 1'720 ab. Das isch bi unserem Vermögensstand verkraftbar.

D Jooresbydrääg bliibe unverändert Fr. 50 fir die Aggtive und Fr. 30 fir die Passive.

Die Aggtive vom Spiil zaale zuesätzlig Fr. 150 als Bydrag an d Rumpelstube und d Instrukto. D Vorträbler mindeschts 50 Frangge.

Das Budget beinhaltet en Erhöhgig vo 30 Frangge fir d **Fasnachtskeschte** – je 10 Frangge fir Kostüm/Larve, firs Nachtässe und fir dr Bummel – **uff neu total 530 Frangge**. Däre Erhöhgig wird aistimmig zuegstimmt und au em Gesamtbudget 2016/2017.

9. Décharge-Erdailig an Vorstand

Dr Peter Kolp als Daagespresidänt beadrait dr GV, em Vorstand Décharge z erdaile und sy Arbet mit em ene Applaus z verdangge, was d Mitglieder denne aistimmig und mit grossem Applaus mache.

10. Waale

S Waalgschäft wird vom Peter Kolp als Daagesbresidant souverän und speditiv glaitet.

a) Vorstand

Als Obmaa wird dr Peter Meyer aistimmig und mit Applaus wider gwäält.

b) übrige Vorstand

D Ruggtritt vom Heinz Geiger als Seggelmäischer und em Heinz Grolimund als Schryber wärde neu bsetzt durch aistimmigi Waal mit Applaus vom

Christoph Oertli als Seggelmäischer und em Ruedi Hintermann als Schryber.

Als Aggtiv- und Passivbysitzer in Personalunion wird dr Peter Kraus gwäält.

Als Suko-Verträter wird dr Max Hofmann au mit Applaus gwäält.

Und ohni offizielli Vorstandsmitgliedschaft d Christina Rüegg als Spiilkoordinatorin.

c) Dambuurmajor

hänn mir kaine meh

d) Revisore

S Ursi Plachesi scheidet als Revisorin us.

Dr Jürg Schmid ruggt noche als 1. Revisor und dr Rolf Biedert wird 2. Revisor. Als Suppleant schloot d GV dr scheidendi Seggelmäischer Heinz Geiger vor. Alli Drey wärde aistimmig und mit Applaus gwäält.

11. Ehrige und Verschiides

11.1.1 – Ehrige:

Fir 50 Joor Aggtivfasnacht isch dr Rolf Biedert (leider abwäsend) scho an dr Fasnachtssitzig mit ere Fläsche Schampis, dr Urkunde vom Comité und em spezielle Wettstai-Abzaiche gehrt worde. Sy Ernennig zem Ehremitgliid vo dr Alte Garde wird aistimmig begriesst.

11.1.2 – Verdanggige:

Dr Obmaa verdanggt folgende Mitgliider ihri Arbet mit em e Glesli Wyy:

Peter Kraus als Larvenateliierchef in sym Huus

Lucie firs Plagettegschäft

Kurt Keller fir dr toll Ysatz und Resultat bim Plagetteverkauf

Denn verdanggt dr Obmaa de scheidende Vorstandsmitgliider ihri Arbet und iberreicht ihne folgendi Gschängg: an baidi Heinz: je e Kischtli „Trappistebier“ und Fr. 200 in Gäldstüggli em Yvonne Hintermaa Fr. 200 in Gäldstüggli und e Maie em Ruedi Hintermaa e Kischtli „Trappistebier“ und en FCB-Notizblöggli und FCB-Kulis em scheidende Dambuurmajor René Birrer e Kischtli „Schwoobebier“ und Fr. 130 in Form vonere Donation ans OK vom 50-Joor-Dambouremajor-Mähli, wo im Oggtober stattfindet und dr René denne derby isch. und s Lucie bikunnt vom Kassier als Dangg firs Blaggettegschäft e Coop-Guetschyyn, well äs nit het kenne am Bummel derby sy.

11.2 - Partnerschaft mit de Rumpler und de Birl

Uff ai Wort reduziert „ryybigslöos“

Das understrycht au dr aawäsend Rumpelobmaa Martin Cron in syner Gruessadrässe.

11.3. – Info vom Stamm

Dr Pius iberbringt d Griess vom Stamm.

11.4. – Divärses

D Spiilkommission het als neye Marsch s „Ohremiggeli“ usgwäält und es wird drfydr dr „Tango“ scho wider gstriche.

S Lucie Fischer, Passivmitgliid, wird e wyters Joor s Plaggettegschäft erledige fir uns.

12. Termin

Dr Terminplan wird allne Aggtive jewyyle per Email zuegschiggt, im Wettstai-Blatt und au im Internet publiziert.

Em Obmaa Peter gebüürt e riisige Dangg fir das feyne Aesse und Raameprogramm, won är uns offeriert het. Dr Schluss vo dr Versammlig isch um 22.45h

Heinz Grolimund, Schryber

19. Juni 2016